

Na osnovu člana 5. Pravilnika o radu i Odluke Uprave Banke od 24.09.2024.godine raspisuje se:

## JAVNI OGLAS za prijem na rad na neodređeno vrijeme uz probni rad od 6 mjeseci

### 1. NAZIV POSLOVA ZA KOJI SE RASPISUJE OGLAS:

Stručni saradnik za procjenu rizika i upravljanje rizikom SPN i FT, 1 izvršilac

### 2. MJESTO RADA:

Sarajevo

### 3. OPŠTI USLOVI KOJE KANDIDAT TREBA DA ISPUNJAVA:

- da je državljanin BiH,
- da je stariji od 18 godina,
- opšta zdravstvena sposobnost za vršenje poslova navedenog radnog mjesta.

### 4. OPIS POSLA:

- Svakodnevno praćenje izvještaja o transakcijama pravnih i fizičkih lica koja su prekoračila utvrđene limite i obavljanje drugih radnji propisanih procedurom praćenja i provjere transakcija iznad limita
- Svakodnevno praćenje transakcija koje se obavljaju putem elektronskog bankarstva, u cilju otkrivanja i obustavljanja od izvršenja transakcija sa sumnjivim obilježjima
- Kontinuirano praćenje uspostavljanja poslovnih odnosa s novim klijentima, radi provjere usklađenosti dodijeljenog nivoa rizika sa parametrima za procjenu rizika, te usklađenosti transakcija obavljenih preko novootvorenih računa sa predviđenom prirodom i namjenom poslovnog odnosa
- Predlaganje izmjena dodijeljenog nivoa rizika klijentima, na osnovu saznanja o sumnjivim aktivnostima klijenata ili promjena drugih okolnosti, na osnovu kojih je klijentu određen raniji nivo rizika
- Koordinacija procesa procjene rizika od pranja novca i finansiranja terorističkih aktivnosti
- Identifikuje operativne rizike i aktivno učestvuje u procesu upravljanja operativnim rizikom
- Obavljanje i drugih poslova po nalogu neposrednog rukovodioca.

### POSEBNI USLOVI:

- **Stručna sprema:** VSS
- **Usmjerenje:** Ekonomsko/Društveno
- **Radno iskustvo:** Najmanje 2 godine radnog iskustva na istim ili sličnim poslovima
- **Stručna znanja:** Poznavanje bankarskog poslovanja, dobro poznavanje Zakona o sprečavanju pranja novca i finansiranju terorizma
- **Informatičke vještine:** Aktivno poznavanje rada na računaru /MS Office/
- **Lične vještine i ponašanja:** Organizacijske sposobnosti, sposobnost samostalnog i brzog donošenja odluka, mogućnost preuzimanja odgovornosti, kreativnost u radu, proaktivan pristup radu, mogućnost rada u stresnim situacijama, pouzdanost, snalažljivost, preciznost, otvorenost prema čestim promjenama u zakonskoj regulativi, usmjerenost prema kvalitetu i rezultatu, fleksibilnost, komunikacijske vještine, sposobnost rada u timu.
- **Strani jezik:** Engleski jezik (osnovno znanje)
- **Ostalo :** Da ispunjava uslove propisane članom 49. Zakona o sprečavanju pranja novca i finansiranja terorizma: da nije bilo osuđivano pravosnažnom presudom niti da se protiv njega vodi krivični postupak, da ima odgovarajuće profesionalne kvalifikacije za zadatke sprečavanja i otkrivanja pranja novca i finansiranja terorističkih aktivnosti te karakteristike i iskustvo neophodno za obavljanje funkcije ovlaštenog lica, da dobro poznaje prirodu poslovnih aktivnosti Banke na poljima izloženosti riziku pranja novca i finansiranja terorističkih aktivnosti.
- Vozačka dozvola „B“ kategorije-aktivni vozač

### 5. DOKUMENTI KOJI SE DOSTAVLJAJU UZ PRIJAVU:

- Svojeručno potpisan Obrazac (isti se može preuzeti na web stranici Banke)
- Biografija sa kontakt podacima (CV)
- Diploma o završenom obrazovanju.

Sva dokumentacija tražena javnim oglasom se dostavlja u originalu ili ovjerenoj kopiji (ne starija od 6 mjeseci). Izabrani kandidat je dužan prije zasnivanja radnog odnosa dostaviti potrebnu dokumentaciju u skladu sa internim aktima Banke.

#### **6. ROK ZA DOSTAVU:**

Oglas ostaje otvoren deset (10) dana od dana objavljivanja odnosno od 16.10. do 25.10.2024. godine. Prijave sa dokazima o ispunjavanju uslova traženih u oglasu mogu se dostaviti neposredno na protokol Union Banke dd Sarajevo ili preporučeno putem pošte na adresu:

**UNION BANKA DD SARAJEVO**

**Hamdije Kreševljakovića br.19**

**71 000 Sarajevo,**

**ODJEL ZA UPRAVLJANJE LJUDSKIM RESURSIMA sa naznakom "Prijava na Oglas za radnu poziciju Stručni saradnik za procjenu rizika i upravljanje rizikom SPN i FT - NE OTVARATI"**

Javni oglas se sprovodi u skladu sa Uredbom o postupku prijema u radni odnos u javnom sektoru u Federaciji Bosne i Hercegovine („Službene novine br. 13/19, 9/21,53/21).

Za sprovođenje procedure po ovom javnom oglasu formirat će se jedna (1) Komisija za prijem u radni odnos.

Nepotpune i neblagovremene prijave neće se uzeti u razmatranje, kao ni prijave kandidata koji nemaju iskustva u finansijskim institucijama.

Sa kandidatima koji ispunjavaju uslove utvrđene u oglasu obaviće se intervju.

O datumu, vremenu i mjestu intervjua kandidati će biti naknadno obaviješteni.

Sve prijave i navedeni podaci se smatraju strogo povjerljivim i s njima se postupa kao sa poslovnom tajnom.

Dostavljena dokumentacija ne podliježe vraćanju.